

鶴慶縣志

上卷九之

卷九之上

人物志申部

鄉賢申之二

卓行申之三

仕宦申之四

宦績申之五

鶴慶縣志

鶴慶縣志卷九上

人物志 申部

鄉賢 申之一

卓行 申之二

仕宦 申之三

宦績

申之四

儒林 申之五

文苑 申之六 邑人著述書

目附

將畧 申之七

武功 申之八

孝友 申之九

忠烈 申之十

獨行 申之十一

貨殖 申之十二

隱逸 申之十三

封贈 申之十四

耆壽 申之十五

五

鄉飲賓

中之十六

方技

申之十七

仙釋

申

之十八

鄉賢

申之一

元

高憲直

世祖至元八年為本路總管十一年以進

義副尉知鶴州事十九年入覲陞授進校尉尉二十

一年再入覲加授昭信校尉知鶴慶府事二十三年

復為本路軍民總管三十年復入覲授宣武將軍加
授明威將軍賞賚甚厚惠直生性廉明勤慎約已愛
民創龜城墉文教德行為眾所愛戴崇祀年代無考

明

高 賜 仕元為義兵萬戶洪武中歸附從征佛光
寨招諭未附者以軍儲助餉授通安州同知世襲崇
祀年代無考

趙和字達道正統間貢生任銅仁訓導嚴矩範
飭條約首以孝弟立教訓誨有方人信愛之內艱服
闋補四川建始訓導銅仁諸生上書乞還舊任許之
又外艱服滿當別補銅仁士又請之復報可凡三仕
銅仁士類多賴以成就監司皆稱為趙先生而不名
致仕縣生徒泣送祀銅仁名宦崇祀年代無考
趙子禧字慶夫和子天性孝友多才藝年十九中

成化丁酉舉人任臨安訓導克端模範秩滿試吏遷
南陽府同知政蹟甚著卒於官入臨安南陽兩地祠
祀著有碧莎生鳴二集嘉靖間崇祀

陸經宏治壬戌進士累官南京兵部郎中賦性
耿介嘗卻伊藩金帛以清正聞於時卒之日棺殮不
具嘉靖間崇祀

朱珮字鳴朝正德辛巳三甲傳臚任大理寺評

事多平反冤獄出為貴州僉事調停驛傳民困以甦
歷湖廣副使抑豪右增隄防擢廣東參政值盜起設
謀禦之絕其汲道皆歸降又以計畧平定交南莫登
庸之亂再遷陝西按察使乞休居鄉恂恂若未嘗為
官者崇祀年代無考

趙德宏 字有容正德丙子舉人事父遠以孝聞父
病割為嘗羹父歿於京邸德宏哀毀骨立徒跣偕傭

人肩輿以歸既葬廬墓三年有白犬護墳馴爲巢樹
之祥服闋任順慶府通判有疑獄德宏一訊立白遷
知潼川州贖鍰悉令輸粟貯倉得粟萬八千石後歲
大饑鄰邑道瑾相望獨潼川得免又興建圯城民不
知勞潼人爲立祠祀勘滇蜀二省土夷爭界土官高
鵬餽金八百立邵之轉慶府左長史及歸行李蕭然
御史以聞爲立孝廉坊郡人因名其里曰孝廉村嘉

靖間崇祀

楊諱懷玉

字孟溫性剛正細行必務以明經授四

川安岳縣丞居官清白縣人德之居三年喪疏食粗
衣不就內寢期功不赴宴會擯斥異端立會勸學鄉
人化焉嘉靖間崇祀

樊一觀

字松巖幼通敏嘉靖甲午舉人結廬朝霞

山潛心力學無仕進意家居二十年足不履公門巡

按嘗獎曰水槩之操後為親貧出知良鄉縣有卓越
聲尋以疾改夔州府教授以身訓人士林德之卒於
官貧無以殮知府張廷相終其事著有夔府志朝霞
集等書嘉靖間崇祀

張宗載 字一寧萬曆癸未進士事母孝終身與昆
李同居任江津知縣值採山運餉諸大役事集而民
不擾土司楊應龍以兵萬人應調多虛額冒餉宗載

待其成列以實數詰之應龍驚服蜀重賦洗沉冤一時依為父母後召入為御史數上封事豪貴斂手萬曆間崇祀

吳堯弼 字宗聖萬曆丁丑進士選庶吉士改兵部

武選郎中出為貴州督學僉事嚴冒籍禁有直指某庇其鄉人堯弼力與抗遂以他事中傷之廷議知堯弼冤寢不行後補四川安綿兵備道時蕃夷滋擾堯

弼撫馭有方蕃夷誓不復反民賴以安居官二十載
家無厚產祀名宦其名見平臺賜銀幣酒饌紀恩詩
云縹緲絲綸下五雲平臺瑞氣正氤氲龍顏快向彤
庭覩天語親從黼座聞內帑競看中使送雕盤仍自
大官分絲來殊春知難際惟使葵丹答聖君萬曆間
崇祀

查偉

字警偉萬曆甲戌進士令富順蒞官剛正

慈惠持已馭民皆有規制所議鹽法悉準先哲裴公
管權條例至夫馬支給概行節省終不忍以供一已
者妨百姓也陞南直隸鳳陽府同知尋遷真定保寧
知府所至以廉明稱入為戶部郎中以陝西苑馬寺
卿致仕縣居鄉謙和人服其雅量著有文集天啓間
崇祀四川富順縣志載其任富順時修賴雅橋有縣
進士范懋和為之記並附錄之

范記 按邑腋兩江
而絡諸溪夫江巨流

勿論論豁稱巨曰錫曰真北賴雅並著溯彼故昔殆
靈區哉肆久嶺為哲人僉憲何鍾戶部蕭公嘆起若
堽麓然近勒靈孕連壁名綠此豁源上游桐口合武
魏二豁竝為一乃豁畔岫排巖壁懸崕峙諸間谷灌
焉每夏秋霖溢輒奔漲禁涉至信宿即涉亦多虞良
亦艱哉惟茲孔道繇邑郊關北歷資中達錦省又折
諸路徹達藩甚紛錯且方內廣畛除稠朋里甚充斥
所會幾劇驂矣脫視其兩涉弗之所殆闕政哉豁舊
有橋視近永安橋僉憲何公先世所創建者稍勝焉
頻亦圯壞一葺於邑侯正菴唐公再葺於君泰邱公
然皆沿故制構木為之而興替因易環也噫有待哉
歲甲戌邑查侯剖符至臨首咨邑政厠臺興利百廢
叙而理犁然亦觀聽矣逮丙子露車斯境慨故橋圯
思飭之以誦僉憲之子何友誼友誼風受知即抵命

資於侯將以永安創茲役也身任如其先侯曰茲政
也寧貽私痒哉亟捐祿貲凡二十金辦其亟且大者
士民躍趨何友誼踵先躅與內江趙君鼎柱措之貲
因是凡里之耆義輩立輸貲以應殆景然集矣爰命
沙彌承督役橋增制為洞口者三立其高與廣稱之
伐石如焉工且速竣直旦夕計噫侯動民信桴鼓哉
不數月西剝驂視為康莊所濟方隅遠矣嘗謂宇內
凡稱津路病涉者何多即余周遊所覩記未易一一
數公家率畧焉固飭此於政曷繫哉孟子與氏縵列
國政以漆洧小鄭僑為惠彼以乘之漆洧非濟哉而
故小之也及自為說以徒枉輿梁經諸歲隙宣好勞
顧甘焉而大政匪茲罔垂永賴也侯其權大細而畫
之政哉故仁人一體萬物以由已視天下溺肫肫然
矧既以身寄斯民命興置惟斯其有濟曷方隅限也

侯今濟者邑他日且濟宇內翊聖世舟楫之治亦自
一體之衷廓而盡非必別新運量也橋名賴雅從谿
舊永安昭雄視矣侯自滇鶴川明進士起甲戌筮令
余邑連今為蒞政之三年余里居承孔邇乃何友誼
載祇命屬余記
余為據述如茲

彭富
字仲禮嘉靖壬戌進士授昆山知縣入為

戶兵二部主事出守紹興府以廉操薦入覲上慰勞
有加賜聯云帝近春常在官清樂有餘歷貴州參政
按察轉四川布政使所在以功德著擢貴州巡撫寬